

Trowa wyrośnie, kosa jóm słoži  
Słónko wysuszi, owca zežere  
Potym se wykidze, na pole zaorze  
A z ziymie wyrośnie zaś cosi lepszigo

Cug swobody už stoji drugi rok na zastawce  
Lojza ztracił robote, už nie musi do werku  
Izidor je celnikym asi piónty rok  
Popijo rum a śliwkym, baba je przy nim borok

Garniec pyniyz przechlastali z Jozefym w gospodzie  
Jejich dziecka sóm grazli, chcieli na Koszarziskach  
Zabić wróbla jak śpiwoł – w Beskidach je dobrze  
A Trudka krzipie coraz wiyncej, bo mo tubere

Už huli od śmiergusta, co jóm znasilnili  
Młodzi a starzi, wszecko pacholi  
Burani z ulice potym tancowali  
Niwydarżone reggae u kowarny aż usli

Przijechnali policajci a było po kolyndzie  
Niż prziszła amnestyja ludzióm ujechaly gymby  
Skóncziło prózne cicho, no hyje na partyje  
A teraz we wielkim sóm rozchody w nazorach

Powzdechujmy nad piwym, przikormujmy opice  
Cystoskopie bez narkozy bych jim zrobił w jedyn dziyń  
Ewropa, Ewropa, je jak staro deska  
Ale w nowym obalu, kaszle na wojnym

Už je po kszeftu, cesty se rozeszły  
Huśle chcóm za ocean, gitara do Anglie  
Banjo mo moc problemów, choć mo yny piynć strun  
A basa objewiła talent, że pry nóm namaluje

Jak trowa wyrośnie, kosa jóm słoži  
Słónko wysuszi, owca zežere  
Potym se wykidze, na pole zaorze  
A z ziymie wyrośnie zaś cosi lepszigo